

# Prestaziuns da l'agricultura a favur da la publicitad

L'emprima bilantscha da la nova Politica agrara 2014–2017 è positiva

■ (mc) Damai ch'ils purs han nizzegià spert ils novs programs dal sistem da pajaments directs prevìds en il program 2014–2017 da la politica agrara è l'augment stà moderà l'onn passà. Ina valitaziun da las datas dals manaschis purils che retrain contribuziuns directas documentescha che l'agricultura fa numerusas prestaziuns bainvegnidas per la publicitad, uschia che tschertas finamiras fixadas per 2017 èn gia cuntanschidas. Tant il niz da la surfatscha agrara sco il dumber d'animals san era vegnir influenzads tras la situaziun sin il martgà.

## Promoziun da l'aradira

En il rom da la Politica agrara 2014–2017 è la promoziun da l'aradira vegnida rinforzada vers la cultura cultivada cun erva. La surfatscha da cultura arada ha muntà per 2016 a 269 000 hectaras ed è uschia per 1500 hectaras pli gronda che 2010. L'onn passà han ils purs cultivà cun 60 300 hectaras dapli pavel da pavlar che avant. L'utilisaziun da la surfatscha disponibla na dependa dentant betg mo dals pajaments directs. Uschia è la surfatscha da ravas d'ielì sa sminuida per 2016 per radund 10 pertschient perquai ch'ils retgavs da 2014 e 2015 èn gia stads fitg auts ed ils magasins eran perquai anc plains. Sin fundament da la situaziun difficila sin il martgà da latg èn tant il dumber da vatgas da latg sco la produczion da latg senza sa reducids.

## Alpegiazium è puspè pli attractiva

Pervi da las contribuziuns augmentadas è l'alpegiazium daventada pli attractiva e quai tant per ils purs da muntogna sco per ils purs da la Bassa. Ils manaschis han a disposiziun dapli animals per il manaschi da stad sin l'alp uschia che la digren da la statistica d'alpegiazium ha pudì vegnir frana. Ils cultivaturs da las alps che vegnan



L'Uffizi federal da cultura fa ina bilantscha positiva da la Politica agrara 2014–2017.

MAD

chargiadas èn vegnids sustenids cun 171 milliuns, quai che correspunda ad in auzament da radund 70 milliuns dapli.

## Animals san ir en il liber

Prest tut ils manaschis sa stentan en favur dal beinstar da l'animal uschia che radund 76 pertschient da tut ils animals profiteschian d'ina libra circulaziun en il liber. La finamira dad 80 pertschient è bunamain cuntanschida malgr' ch'i dat anc potenzial da meglierament en differents categorias. Sut las finamiras figureschan pors e giaglinas da niz nua che mo radund 51 pertschient resp. 37 pertschient dals animals stoppian esser registrads en Raus. Cuntrarì èn passa 80 pertschient da las vatgas vegnidas tegnidas sut las cundiziuns da Raus.

## Promoziun da la diversitad

Las expensas da la confederaziun en favur da la diversitad biologica vegnan a crescer sin radund 400 milliuns (+13 milliuns). Per quest augment da las novas surfatschas da colliaziun èn las surfatschas d'alpegiazium responsablas. La reduziun da las contribuziuns prevìdas per singulas surfatschas sco era la sbassada da las contribuziuns per sorts da qualitat minura e las contribuziuns limitadas per tals manaschis han gi' l'effect vulì. Las expensas per tut las contribuziuns da qualitat per ils stgalims I e II (senza alpegiazium) èn sa stabilisadas sin strusch 275 milliuns. 37 pertschient da tut las surfatschas da biodiversitad èn d'auta qualitat. La finamira da cuntan-

scher 40 pertschient l'onn 2017 è uschia prest cuntanschida. Tar surfatschas cumbinadas è questa finamira da 50 pertschient gia cuntanschida e cun 74 pertschient schizunt surmuntada evidentamain.

## Produczion che schanegia las resuras

Ils purs sajan dentant era s'engaschads per ina produczion che schanegia las resuras. Intgins projects chantunals èn gia vegnids terminads uschia che las expensas èn sa reducidas sin 39 milliuns. En l'onn current vegnan questas contribuziuns dentant puspè a crescer damai ch'ins vegn puspè ad instradar projects pli vasts. Cun quests process vegnan ils meds da produczion applitgads a moda

pli sistematica per uschia reducir l'erosiun da las surfatschas da granezza.

## Dapli contribuziuns en muntogna, damain en la Bassa

La repartiziun dals pajaments directs mussa sco giavischà in augment da las contribuziuns per ils manaschis da muntogna e per l'alpegiazium ed a disfavour dals manaschis purils en la Bassa. En consequenza d'in lev augment tar ils programs han ins tuttina pudì impunder 162 milliuns per mesiras per evitar cas da direzza. La reduziun da questas contribuziuns è vegnida frana in zichel, quai che è stà intenziunà or d'optica sociala.

## La media da las contribuziuns per manaschi crescha

Sin fundament da la reduziun marcanta dals manaschis crescha l'autozza dals pajaments directs per ils manaschis restants e quai en tut las zonas. Quai ha era per consequenza ch'il dumber da manaschis cun fitg autas contribuziuns directas crescha vinavant. Da nov èsi bunamain mo manaschis cun vatgas-mamma e vatgas da latg che vegnan recepids en la categoria da 150 000 francs pajaments directs. In terz da quests manaschis èn manaschis da bio.

## Dapli contribuziuns per terren spundiv

En l'onn current vegnan per l'emprima giada concedidas contribuziuns pli autas per terren spundiv cun ina pendenza da passa 50 pertschient. Da nov vegn era terren spundiv en la zona da valladas resguardà per talas contribuziuns. Plinavant vegn era la schubregiada interna da las sprezzas promovida finanzialmain. Contribuziuns datti era per mesiras per augmentar l'effizienz da las resuras sin il sector da la viticultura e da las ravas da zutger.